

Uunga siunnersuut: Inunngortunik toqusunillu nalunaaruteqartarnek, ilisinerit iliveqarfiillu pillugit Inatsisartut inatsisaat nr. xx, xx 2016-imeersoq

(Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisoq)

Saqqummiussissut**Siullermeerneqarnera**

Naalakkersuisut sinnerlugit matumuuna Inunngortunik, toqusunik, ilisinernik iliveqarfinnillu nalunaaruteqartarnek pillugit Inatsisartut inatsisissaattut siunnersuut saqqummiutissavara.

Inatsisissatut siunnersuut iliveqarfiit pillugit Inatsisartut peqqussutaat 1990-imeersoq (iliveqarfiit pillugit peqqussut) atuuttoq tunuliaqutaralugu saqqummiunneqarpoq. Peqqussutip maannakkut ukiunik 25-inik pisoqaassuseqartup nutarternissaa naleqquttutut isigineqarpoq. Tassunga atatillugu inuusunik toqusunillu nalunaaruteqartarnek, ilisisarneq aamma toqusut timaannik ikuallaasarneq pillugit malittarisassanik aalajangersaanissaq naleqqutsinneqarpoq.

Siunnersuummi pingaarnertut anguniagaavoq pineqartumi malittarisassanut atuuttunut malinnaatitsilluni nutaanik ilanngussineq. Siunnersuutigineqartukut iliveqarfinnik pilersitsinermi, ilivernik iliveqarfinnillu atorunnaarsitsisarneq iliveqarfinilu ilineqarsinnaatitaaneq pillugit malittarisassat atuuttut maannakkut siunissamullu pisariaqartitsinermit tunngatillugu malunartumik itisilerfigineqassapput nutaanillu ilaartorlugit. Tassunga peqatigitillugu toqusut timaat qanoq iliorneqartassanersut, tassa ilineqartarnissaat ikuallanneqartarnissaallu, inatsisiliornermi aalajangersarneqassapput. Toqusut timaannik ikuallaasarneq pillugu aalajangersakanik tassunga atatillugu aalajangersarneqassapput. Toqusut timaannik ikuallaasarneq pillugu malittarisassat siunnersuummi siunissamut qulakkearniarneqarput, taamaalilluni tassunga atugassamik toqusut timaannik ikuallaasarfimmik ataatsimik arlalinnulluunniit pilersitsisoqarpat Kalaallit Nunaanni toqusut timaannik inatsisit tunngavigalugit ikuallaasoaarsinnaassalluni.

Aamma kikkut ilisisarnermut oqartussaanersut, ilisinissamik imaluunniit toqusup timaanik ikuallaanissamik kikkut qinnuiginnissinnaanersut, toqusup timaa qanoq iliorneqassanersoq isumaqatigiinngitsoqalerpat qanoq iliuuseqartoqartassanersoq siunnersuummi aalajangersarneqassapput.

Inunngortunik toqusunillu nalunaaruteqartarnek pillugu, tassunga ilanngullugu kikkut nalunaaruteqartussaataitanersut, siunnersuummi aamma nutaatut malittarisassiortoqarpoq.

Kommunalbestyrelsit, ilagiit sinniisaasa Biskoppillu akornanni akisussaaffiit pisinnaatitaaffiillu agguarnerat annertunerusutigut ingerlatiinnarneqarput. Akisussaaffiit pisinnaatitaaffiillu sapinngisamik annertunerusumik sumiiffinni ingerlatiinnarneqarnissaannik kissaateqarnek aallaavigalugu tamanna pivoq.

Iliverni eqqaassutissanik nalunaarsuisarneq, maalaaruteqarsinnaaneq, nakkutilliineq pineqaa-tissiisarnerlu pillugit aalajangersakkat siunnersuummi nutaatut ilanngunneqarput.

Taamatut oqaaseqarlunga siunnersuut Inatsisartunut akuersaartumik oqaluuserisassanngortip-para.